


林屋唱酬錄附錄
刻燭集






成集書叢
編初

著 吳 主
五 雲 汪

行發館書埠坊商





林屋唱酬錄

蘇 潛



3 0649 7658 6

馮國璋編

林屋唱酬錄

本館據粵雅堂叢
書本排印初編各
叢書僅有此本

083
112
211794

林屋唱酬錄 序

湖西之山明麗。吳中之山靜深。明麗比諸美人。靜深比諸逸士。故遊覽者。浙西多於吳中。又西湖出杭城。陸步可到。而吳中名山。在郡城西。多瀕太湖。至石公林屋諸勝。必渡湖涉風濤。約百餘里。可攜筇屐。故遊者殊少。遊而發爲詠吟者尤少。唐皮襲美。陸魯望。明高青邱。徐昌穀諸公外。寥寥無聞焉。馬君嶰谷。雅嗜山水。今春偕昆弟友生。自揚入吳。過惠山。歷武邱。憩明瑟園。乃攀天平。歷支硎。俯寒泉。躡華山鳥道。上靈巖。陟鄧尉。由天池石壁。渡太湖。探石公。包山。林屋。縹緲峯。消暑灣。諸勝。飲明月坡而返。流連唱和。並得詩五十餘首。體格各殊。性情自契。林壑雲日。烟霞魚鳥。盡歸諸寸楮閒。可云不負斯遊也。已考襲美當日。以祀事至洞庭。而其餘不能遍及。魯望和詩。半託之想象。昌穀亦僅遊縹緲石公。青邱游歷最廣。然其洞庭詩云。久欲尋春未能去。則諸什亦屬詠古者多。不皆親歷其地。今諸君子。境無虛過。過必有詩。是古人所不能兼者。而諸君子兼之也。且諸君子。遠居維揚。維揚稱華廬地。乃能涉江航。暫叩寂逃虛。舍明麗之區。入靜深之境。以其筆墨發山水之靈。豈陶貞白所云。見朱門廣廈。無欲往之心。望高巖。瞰大澤。恆欲就之者與。予於丁巳歲。遊石公。包山。得交嶰谷。相訂重遊。十五年來。塵事紛擾。爽約山靈。讀諸君子詩。神往於幽虛左神閒矣。壬申秋日。長洲同學弟。沈德潛譔。

林屋唱酬錄

雨宿江口

夜雨響初程。漁火空濛處。一宿掩篷窗。夢逐春潮去。

遊慧山三首

峯落芙蓉湖。湖光漾晴晝。閒房識老禪。引我入巖竇。笑指石罅梅。此是百年舊。且復領清機。茶香驗火候。入寺聽松風。出寺飲泉水。飲水尋其源。微風泛花蘂。石磴暨蚤緣。跬步九龍尾。遙望殿前松。謾謾下松子。名園半倚山。但以水木勝。雲樹翳春池。風泉走苔逕。當年愚公谷。可得與此並。石闌臥長空。欲去還小凭。

虎邱上巳

泊船吳會天氣新。桃花李花明暮春。真娘墓上羅襪集。短簿祠前翠管陳。老來生怕年光促。蘸筆先成鬪草曲。澹香樓外捲春波。驢醉還須夜秉燭。

晚步劍池

紛囂晝不息。晚向池上行。星漢耿夜光。林木沈精英。勝境此時見。悄然怡我情。

重過明瑟園

清馬日



秋日曾停棹。春風又款扉。苔深新鶴柴。花滿舊漁磯。寒色生晴晝。流光戀夕暉。主人幽興足。詩思入希微。
過橋看野竹。山影媚清漣。鐘磬上方落。烟霞一壑專。昔遊渾似夢。二友東奉。達夫。諸前輩。同觴詠于此者。半已下世。重到更何年。
有酒頻斟酌。東廊月上弦。

天平山六絕句

水石閒

水底菖蒲根。石上莓苔迹。啓戶寂無人。自與春風隔。

白雲泉

澄泓一片雲。山僧掃葉煮。小坐看茶烟。松陰已亭午。

雲磴

繫開一線天。梯空人直上。安得雲中君。乞取九節杖。

蓮花洞

蓮花在峯頂。終古開一瓣。我昔住此中。曾飽紅蓮飴。

劍削崖

陰崖藏積鐵。倚空鋒不挫。隙日射冷光。時有飛鳥墮。

石屋

石屋不漏天。仙鼠撲四壁。疑有癡龍居。半面石乳滴。

支硎山

結念爲看山。落手寧肯緩。支公放鶴處。空亭白雲滿。澄漿扣松關。碧琳上翠巘。房房聞竹聲。步步擿泉眼。寒冰濺以流。飛珠跳而遠。當年偕隱人。玉雪愛小宛。隨意踏蒼崖。泠泠晚風善。貪遊不知疲。莫謂入山淺。

華山

灑窗聞曙雨。出戶明朝暎。減衣復添衣。筇輿穿雲根。鳥道松翠古。蟲篆苔花昏。欣逢玉版師。如與靜者言。棧險滑積蘚。徑窄驚詩魂。我本茹芝人。汨沒塵土顏。躋攀得丹梯。恍已還舊觀。明發試身輕。再上西峯顛。

靈巖山

枕畔來微鐘。烟中露孤塔。蜿蜒上琴臺。筋力尙不乏。楓栝旣蔽虧。禽鳥亦互答。天影落短筇。浩浩咸池接。下覓斬王碑。功業載簡牒。餘興往堯峯。斜陽路幾摺。雲彩成異觀。近與竹翠合。飲我山澗泉。泉香勝艾蒨。

鄧尉山

梅開惜未遇。想見吹香時。李花留待我。依然晴雪枝。上山雲不斷。一湖天四垂。娟峯插湖面。銀濤翻清暉。回憩贊公房。望見孤帆飛。指示四部經。細字如遊絲。祇以地名勝。寫供人天師。遠岫林月上。近坂墟烟迷。歸來養腰脚。將與靈威期。有明人寫四部經作浮圖狀。

天池

廢院石橋東。枯僧半已癯。藤蘿牽佛屋。蘋藻闕蛟宮。水黑晴飛雨。山深晚作風。笳輿穿竹過。寒翠夕陽中。

石壁

選勝上石壁。凌虛飛鳥低。湖光浴雲日。山色界東西。目眩憑清茗。神寒仗短藜。嘯歌餘興滿。點筆更留題。

落木菴

為徐元嘆先生別業。僧從危樓中。出小照索題。

花剩殘紅水剩藍。先生遺像寄僧龕。蠹魚窠裏還尋得。不負當年落木菴。

雨中聯句

五更風雨聲激滌。竹勝遊無乃天公慳。玉隔竹但聞子規鳥。嶺開窗不見靈巖山。牛焚香把卷坐亦得。湘

遠廊倚閣情何閑。菜老藤作花未爛漫。竹歸舟且復停沙灣。玉

過湖上草堂

徐昭法先生故居。

先生居湖上。死與世相忘。剩有三閒屋。而無一瓣香。清名造物忌。文集幾人藏。只此潺潺水。終年護草堂。

留別明瑟園三首

三石橋邊一葉舟。竹烟蘿雨淡於秋。誰人得似天隨子。留客看山不下樓。

池上梨花照水開。暖雲晴雪一堆堆。水風過處香痕瘦。不是閒人不看來。

繞廊吟徧月昏黃。藤格丰茸影上牆。惆悵人歸春未去。還餘十日好風光。

陸茶塢以蓴絲見餉卽席賦

年年水驛寄香蕪。方法傳來已足珍。今日烟波親采摘。五湖風味太撩人。

渡太湖聯句

一帆春水五湖天。谷飛鳥行雲共渺然。茶不信望中還有地。牛始知閑外更無仙。竹逃名蝦菜容高隱。玉

寄迹烟波可判年。子鐵笛橫吹歌小海。谷月明呼酒石公前。茶

薄暮登石公山

舊遊惟此最。風便一帆過。簷蓋殿前少。枇杷門外多。殘陽下高嶺。明月玩澄波。只恐湖山笑。頻年負薜蘿。

石公山放舟林屋洞小憩神景宮歸途微雨

石公山石誰剗鑄。嵌空一綫留波痕。片帆直溯灣口去。澄湖如鏡天風暄。沖瀾世界忽離落。祈駕焙茗仙家村。舍舟陟磴瑤草秀。褰裳窺洞幽宮尊。冷氣襲人未易入。石牀苔井從人論。嗟予十載此又到。金庭舊迹猶堪捫。搥槳敢云脫凡骨。茹芝或可清詩魂。回策夷猶亦自得。輕烟細雨翻氤氳。歸來還傍僧窗坐。一片仙雲落石根。

包山寺

松老寺門深。攜僧更一尋。經幢留古跡。門左有唐僧元奘石龕林壑散清陰。境是金庭接。雲從玉座侵。誰人來此地。還

有出山心。

毛公壇

毛公仙去石壇空。雙井泉寒葉擁風。寂寞松陰人不到。我來笙鶴半山中。

舟中望縹緲峯

縹緲何秀發。迥在衆峯上。峯嶽浩無垠。溟濊接萬象。望望百慮消。微風理孤榜。

明月坡飲酒歌

激空兮濤痕。整平兮雲根。風蓬蓬兮翠浪。月盈盈兮漁唱。酒一尊兮歌一曲。呼石公公聲振林木。仙乎仙乎臥瓊島。刺船蘆中兮狎鷗鳥。醉而醒兮不知其處。極目滄溟兮失寒兔。

消夏灣送春

昨宵醉語沙頭鷺。明日先生要送春。豔雨奢雲收拾盡。片帆漁艇下空曷。界破青蘆點破蘋。君王水殿久成塵。風懷萬古空陳迹。一樣斜陽不戀人。

洞庭西山懷同社諸君

雲水帶清暉。風烟世所稀。每逢奇絕處。悵與故人違。仙犬吠不數。山花香亦微。擬從詩句裏。攜得翠峯歸。

僧房牡丹

野老田園桑柘足。仙家樓閣水雲寬。扁舟一過都收却。還許僧窗看牡丹。

茶塢雨中招遊石湖

纔卸輕帆別水仙。又乘清興向潮天。岸花汀草都相似。添得龜蒙放鴨船。

經幢斜倚退紅牆。烟樹冥濛隱上方。記得衡山小橫幅。題詩最愛石橋長。
一縷龍涎香霧濃。清歌裊裊水雲空。笠簷蓑袂橫塘渡。絕勝月明風露中。
閑遊日日聚詞人。得與菰蒲筍蕨親。今日病夫還強飲。雨中收足五湖春。

送竹町返錢塘

遊事未曾閑。如何便擬還。我憐吳苑柳。君念浙西山。棣萼情原篤。蘭言味不慳。莫教吟社冷。長日戀鄉關。

吳趨雜詠

左司祠傍宮牆側。燕寢凝香想朗吟。劉白同時甘避席。朱弦三嘆有遺音。
春風亭子詠滄浪。槐柳新陰淪茗香。七百年來餘韻在。一官何戀校書郎。
惟則曾留十二題。直教塵市等巖棲。當年禪窟分明記。何事重來路轉迷。
中吳翰墨數停雲。儒雅風流總軼羣。留得芳蘭舊池館。欲攜小像妙香熏。

丁卯年與茶
場同遊。
予家有衡山
先生小像。

馬曰璐

雨宿江口

細雨自空來。點點鳴篷背。一夜流水聲。已飽江湖味。

丹陽道中

日暮丹陽路。清波照鬢斑。屢遷惟斷岸。相識有青山。帶雨漁罾溼。耽吟客意閑。春沙迎棹轉。仍復幾灣環。

遊慧山三首

秀色晴更幽。未覺巖腹淺。閑房啓松風。石暈記蒼蘚。僧言竹爐好。一物有晦顯。流玩佛香中。落梅心共遠。何以愜醒趣。憩此山下泉。泠泠一泓玉。照影無春烟。冷翠未殊昔。猶蔭瘦竹娟。飲之得本性。野鳥來客前。清遊已亭午。不暇飭脫粟。石池漾林影。襟袖挹清淑。泉分澗底雲。屋借峯頭綠。名園勝概多。流詠愁未足。

虎邱上巳

虎邱山水柳拂堤。虎邱山中花亂飛。良辰禊飲有今日。僧房猶及看辛夷。二十年前曾過此。正是春風豔桃李。重來白髮怕臨流。湔裙依舊當時水。

晚步劍池

偶步盤石上。契此夜境空。鐵花何蒼然。照見春星中。棲禽隔樹杪。幽夢深幾重。

過明瑟園

水木名園好。平生夢見之。風高存往昔。景淡異春時。雙槳破空鷁。一燈明碧池。殷勤主人意。延佇訝來遲。花明照苔綠。橋外點沙鷗。賦好看雲讀。樓高聽雨留。因成三宿戀。欲緩五湖遊。况是青山暮。都將一榻收。

天平山六絕句

水石閒

究兀一拳石。其色蒼而青。此閒宜置我。流水風泠泠。

白雲泉

寒泉白於乳。如雲出巖竇。中有堯時天。閑房閉青豆。

雲磴

巨斧劈未斷。何處著芒屨。下有接飲猿。上有孤飛鶴。

蓮花洞

雲去無冬春。雲來自朝暮。萬古青蓮花。亦有幽人住。

劍削崖

陰巖類削成。仄面照山魅。誰歟奮一試。留得金虎氣。

石屋

石屋在山頂。蒙龍隔巖綠。線路無人爭。天風落樵曲。

支礪山

清晨坐竹兜。心向南峯猛。徑改昧支龕。山輝隨鶴影。莓苔妙莊嚴。幽潛發光問。或憩隱士廬。或造佛髻頂。雲濺雙耳清。淙流一筇冷。入林雖未深。幽境各爲領。歸途訪遺梅。烟昏四山暝。

華山

鳥道入深碧。磴曲盤松雲。山前轉山後。酌泉修竹根。傾梯異曩昔。可以納趾痕。因之凌絕頂。崢嶸愁石翻。

御風念霞舉。超心離人羣。回視上山路。爐烟飄細縵。

靈巖山

雲陰隨步起。引我入青嶂。側聞住山僧。建塔卓筆狀。上有圓照塔。琴臺昔所登。廿載一俯仰。繡壤錯林梢。巨浸隱花當。茲來勝概增。賦水洗塵妄。鈴語山古今。矚顏峯背向。靈境難久留。欲去生悵望。歸臥山窗中。晴翠落枕上。

鄧尉山

碧瓦隔峯腋。遠聞星星鐘。一飽興不闌。尋詩來花宮。當門蔭清樾。經緯皆長松。松外已無地。渾浸湖光中。古墓訪昔守。香雪標前峯。惜哉梅花殘。清氣猶霏空。虛亭未及上。白銀搖冲融。

天池

山影淡清暉。荒榛隱破扉。石梁當路斷。竈火入林微。深夜虎疑過。多年僧不歸。空餘一泓水。常是照雲飛。

落木菴

當年結隱有遺蹤。剩種桃花幾樹紅。洗句池頭一憑弔。春風不著著秋風。

題晤言圖

風騷流別有鍾譚。冷句當於靜裏參。一室晤言相尙得。更留何處染香菴。先生有染香菴稿。

往上堯峯及半而返循至下堯峯

山銜落日晚霞明。萬頃湖波動杳冥。茶板蒲團無限思。一時分付半峯亭。
路返崇岡折幾重。林霏遮斷下堯峯。不因修竹留人住。那得嘗茶聽暮鐘。

過澗上草堂

往哲高風在。泠泠澗水清。滄桑存畫稿。婦孺識先生。木主三閒屋。青山一代名。我來春欲暮。門外子規聲。

韓忠武墓

荒草斜陽動客愁。蘄王高冢入耕疇。孤忠青史千年在。血戰長江萬古流。克敵弓亡雲黯黯。背嵬軍散鳥
啾啾。穹碑南望猶多幸。三字沈冤卒未休。

石壁

嵌空一片別開門。湖水時時浸石根。二十年中風雨跡。重來添得碧苔痕。

重過白雲泉

重過曲房暮。空山含古春。雲生還爲客。泉靜不噴人。漸覺清陰滿。何妨逸興新。從誇腰脚健。猶一上嶙峋。

食葶

雉尾絲絲漾碧漪。秋風起後滑流匙。何如湖艇親來往。采及烟莖乍展時。
調和頓頓恐傷廉。軟飴香醪筍蕨兼。風味絕清消不得。烟波滿眼下吳鹽。

將渡太湖石公山僧來遊

買舟神已王。聽語興彌增。雲落一雙屐。詩生七尺藤。仙壇人過少。靈洞我探能。好約全湖曲。先分石峽燈。

留別明瑟園三首

滿樓山色滿窗雲。最好風光肯見分。不解欲行緣底事。汀花瀾草悵離羣。
石湖葦菜家園筍。亭角供吟日有加。第一難安池上月。照人和影上梨花。
靈巖山在有無中。回首名園隔暮鐘。欲把湖波變春酒。可能比得故情濃。

薄暮登石公山

帆落尋山寺。蒼然已日曛。紛紛穿石扇。往往踏湖雲。崖斷風爲界。波吞月不分。夜深亭上立。招得鶴爲羣。
自石公山放舟至林屋洞小憩神景宮

天晴霧捲湖無風。起隨魚鳥行虛空。僧窗幽興落巖洞。清夢早與靈威通。沿緣一棹轉山脚。朝暎照耀如
仙蓬。淡烟淺水花濛濛。沙明石淨菖蒲茸。捨舟理策越墟落。往往所遇皆春農。近看一處蓄靈異。峯頭白
石羊羣同。左神之天得毋是。凡骨到此幽雲封。崢嶸墜石礙置足。沮洳積潦愁跼躬。未能金庭入窅窕。但
聽玉乳鳴丁東。綠腸朱髓彼誰子。逡巡日午將何從。細搜苔翠辨題字。飽餐芝菌休靈宮。洞天不見見福
地。高松下覆涼陰重。歸帆回望隔微雨。再來當復乘清冬。

包山寺

嵐翠落衣上。山圍殿角涼。由來禪窟古。不厭石門荒。妙契休松得。靈氛過湖長。經幢忘歲月。閑剔薜花蒼。

毛公壇

不辨仙壇亂石邊。一山還飲鍊丹泉。我來筋力差誇健。逢著樵人恐卽仙。

石公菴僧樓

天在湖心寫碧。水從山外拖藍。晴光暮變朝變。清鏡雲涵月涵。玉溪生買烟舍。鹿門子詠漁菴。可許藤篋載去。鷗飛兩兩三三。

舟中望縹緲峯

絕巘摩高穹。蒼翠望中起。日夕落遙陰。半浸青蘆底。惆悵蕩扁舟。孤心渺烟水。

消夏灣送春

飛來白鳥水雲空。消夏灣頭柳絮風。此地送春兼弔古。縱無雨色亦濛濛。水殿依稀半釣家。留連不覺夕陽斜。吳王舊事無人說。贏得春愁付落花。

洞庭西山有懷同社諸君

攬勝於深入。情移念故人。雲澄上古色。花亂十洲春。有夢憑風遠。無書付鶴頻。何當同濯足。磐石水之濱。

茶塢雨中招遊石湖

才探縹緲峯頭勝。又結楞伽塔頂緣。三日水仙分席後。招邀來訊石湖仙。鷺烟鷗雨酒船開。不著沾衣半點埃。商略詩情作幽絕。誰人解愛此中來。

水窗吹過水雲涼。綠筍紅櫻引興長。不似江南賀梅子。一川烟草過橫塘。
底須明月解留人。橋倚行春剩見春。被酒歸來掩窗臥。歌雲一縷裊湖濱。

送竹町返錢塘

最好鷺峯下。聽泉坐竹林。因君成獨往。令我戀同岑。烟渚分吳榜。風燈隔越吟。惟將詩一卷。慰得暫離心。

吳趨雜詠

淡沲風光淡蕩時。清香千古見吟詩。宮牆陰合無人過。手採孤花薦左司。
長身仙去對斜暉。此日春風載酒稀。欲訪棋枰舊蹤迹。亭空兼少鷺鷥飛。
幽竹獅林挹勝流。飛虹隔斷水悠悠。空將北郭詩中景。攜入雲林畫裏遊。
池荒香草有莓苔。剩四嬋娟閣子開。文物中吳誰繼美。我來閑共白雲來。

陳章

雨宿江口

杳杳廣陵鐘。昏昏瓜州雨。江天不可辨。一燈明遠浦。

丹陽道中

不踏江南路。於今又八年。恍如尋舊夢。快比挾飛仙。買酒黃泥阪。吟詩春水船。還愁石公姥。偷眼笑華顛。

遊慧山三首

連春散春烟。花林入搖擲。人家夾岸居。晴翠滿窗戶。歡願今始遂。迴眺遠塵土。一笑對山僧。梅花落如許。
乳泉歎幽竇。湫流赴春池。欲徵陸子經。木瓢斟酌之。神爽待輕舉。清曠山風吹。怡情非一事。弄雲披松枝。
思登九龍脊。筋力不我與。且叩秦氏園。乘芳正敷煦。風泉度空翠。清寒失亭午。刻意欲吟詩。悠然轉無語。

虎邱上巳

海湧峯頭雲氣收。鐵華巖下滄清流。我來落帆寺門外。欲被塵土兼祓愁。塵土已消愁不去。杏花滿地鴛啼樹。芳辰不醉殊可惜。君不見蘭亭高會今何處。

晚步劍池

晝遊夜復至。境靜了不同。疎星明砌底。人語春山空。僧扉待我掩。露滴松閒風。

過明瑟園

潭上幽棲地。依然水石閒。春風歸老樹。前輩託青山。園爲徐介白先生舊蹟。此外應無勝。茲來只暫閑。園花開復落。日夕且怡顏。

新月昨宵醉。今朝醉更深。堦除涵水氣。几席落山陰。聽鳥感時序。呼雲問古今。天機雖較淺。能識靜居心。

天平山六絕句

水石閒

岌嶮一拳多。當衝勢不怯。泉源何處尋。流出石楠葉。

白雲泉

晴天作雨聲。絕壁飛隱隱。因爲穿雲來。一掬白如粉。

雲磴

一級復一級。不知高幾重。終年人跡絕。只與猿猴逢。

蓮花洞

石插青蓮瓣。枵然含一房。萬古滴玉乳。中有秋風香。

劍削崖

千將誰所削。入雲高嶙峋。借問盤礴史。何如斧劈皴。

石屋

渠渠若團焦。上覆烟蘿綠。明月以爲燈。常照仙人宿。

支硎山

凌晨詣支硎。迢迢路難竟。人影度平田。旭日清可映。是時春已深。山暖草木盛。雲光開佛宇。塵夢泉吹醒。緬懷典午僧。妙湛此禪定。馬去窺餘蹤。鶴飛想幽聽。雪谷有名流。畊汲寄吟咏。怪篆變斯冰。逸致繼梁孟。翠螺盤幾層。短策欲窮勝。坦途寧多紆。冒險恥捷徑。

華山

夾道松入雲。下列石萬狀。金銀化人居。高低倚青嶂。廢興有定數。隨敗忽宏敞。餘輝被巖壑。若翮逐仙仗。鮮霞逗奇懷。幽泉供靈贖。日長山鳥鳴。地潔風花颺。發我清明心。却無眞實相。中有枯寂子。妙悟閱華藏。我豈踣塵躅。微志自能諒。頓令諸妄消。合十願回向。

由靈巖山至堯峯

朝遊靈巖山。松上雨初霽。雲來混太湖。澹澹浮一髻。日暮登堯峯。斜陽豁昏翳。波搖萬頃金。遠與天無際。陰晴物象變。浩然感身世。朝暮尚不同。誰能預爲計。吳王本荒淫。興亡事亦細。吾亦呼堯民。與結畊鑿契。

鄧尉山

西山遊殆遍。其後往辛墓。已失看花期。且覓採茶鴉。沙田植水仙。縱橫翠泉注。孤亭在雲半。僧導一筇赴。不知所歷高。驚駭屢回顧。憑闌俯具區。三州天地素。只覺鷗兔閑。不逢蛟鱷怒。改途指石壁。湖光隨我步。淹滯緣賞心。歸軫迫曛暮。層嶺險逾窄。風吼月暗度。徒矜探奇癖。終抱臨深懼。營營嚙芒鞋。僕夫趾難措。歎彼獨非人。反身咎不恕。

石壁

路轉峯回丈室孤。得拋倦策憩團蒲。偶然一覺白雲夢。又被松風吹過湖。

天池

味自帝臺分。溶溶漾溼銀。雲深窺渴鶴。雨急躍潛鱗。山送一僧老。松忘三月春。日斜風滿壑。獨立恐傷神。

竹塢

文文煎醴
書處

尙有讀書處。當年想閉關。清風能繼代。衆論惜歸山。紅樹映溪淨。白雲停竹閑。時禽不解事。空好語綿蠻。

落木菴

住僧以繆伯敷。譚友夏。徐元嘆。三先生晤言圖出觀。

三老皆消削。園中忽見之。空山木葉下。一室晤言時。歷劫猶存地。忘名任論詩。我來思往躅。歸意與雲遲。

食蕈

春散蕈絲雉尾形。呼船乘雨採湖棱。不知風味能如此。只識人間張季鷹。水精鹽點作羹材。頓頓流匙笑口開。寄語周顒應悵望。晚菘早韭總輿臺。

韓忠武墓

穹碑天半勢崔嵬。百戰功勳惜將才。枉獄曾聞三字歎。孤忠空抱兩宮哀。無窮事業塞驢去。終古精靈大鳥來。玉帶錦衣餘想像。墓門風雨野棠開。

湖上草堂

聞道徐夫子。茆堂此曲肱。踰垣避開府。餽米受高僧。世事看雲變。詩情愛澗澄。叩門瞻栗主。蒼鼠竄枯藤。

夜雨池上

莫言多病便無情。可惜春風醉不成。幾樹落花孤燭暗。臥聞山雨到池聲。

重過白雲泉

已識松根路。來敲竹下門。山昏添雨氣。泉澀減池痕。坐石渾疑夢。尋詩默不言。風爐兼茗盃。最憶是西軒。
將渡太湖石公山僧來遊
片雲通客信。衲子過湖來。野筍同香飯。山花落碧苔。亂峯勞指點。白浪勸遲迴。是日大風。明日相偕去。蒲帆雨亦開。

留別明瑟園三首

鶻突塵埃負却春。清溪引我泛輕輪。一旬只在花前醉。始信天涯有故人。
名園步步動吟情。看落梨花看笋生。應合留連池上酌。一枝紅燭雨三更。
出時踏澗便扶藤。歸卽看山小閣登。拌住經年猶不足。催人偏有洞庭僧。

薄暮登石公山

勝情何暇懶。到卽陟山椒。歷險思連臂。窺深欲繫腰。天風生浩渺。春氣束蕭條。更倚巖前樹。波心月可招。
白石公山放舟至林屋洞小憩神景宮

具區諸勝林屋佳。讀皮陸句空縈懷。扶風昆弟好事者。探奇索險招我偕。木魚喚起山月墮。雙行纏束峭
緊。蹶呼船長嘯亂流去。一帆直抵青山厓。傳聞乃是天后真。君之便闕不敢褻。視心先齋洞。雖深窅闕幽
怪。絕無蛇雉狼虎豺。素書呵護祕神禹。金庭結構餘女媧。傍通地肺號隔沓。羅浮左股還參差。石鐘玉磬
捐箕簾。靈芝瑤草紛根荑。乳泉沮洳不容足。欲入卻愁泥跳躑。徘徊偃僂但闌首。那辨中有堂與階。丙洞

陽谷亦一到。玲瓏若見門。扇闢九琳之窗。毋乃是。定有仙伯藏形骸。臭帑未能視。敝屣白首終。悔心期乖。題名南宋讀殆遍。斑爛蒼蘚剝復措。神景宮中瞻古像。冕旒慘淡昏塵纒。道士邀我樹下坐。果蔬餅餌供我飮。爲言山空月明。往往集笙鶴。望見霓裳絳節。無數巖根排。

包山寺

幢有唐朝字。山因包氏名。無僧空殿冷。待客古松清。縱使人烟遠。終能佛日明。沙頭覓歸艇。雨意滿湖生。

毛公壇

綠毛人去剩空壇。禹步當年玉珮珊。書罷三千丹篆字。清池洗筆月中寒。

石公庵僧樓

萬頃烟波浩浩。連朝風雨冥冥。朱櫻盧橘遮戶。田塢沙鷗滿汀。酒醒但愁春去。詩成且對山青。五更最是清絕。禪板漁歌雜聽。

明月坡飲酒歌

東海生明月。先照湖之坡。坡平儼若席。方廣百丈多。想當清秋時。碧浪涵金波。可以酌醴醪。可以舒嘯歌。我來旣惜非其時。月色亦肯青銅磨。如何不卽恣酣飲。隔宵月暗空婆娑。平生萬事每如此。嗚呼吾意其蹉跎。

消夏灣送春

夫差水殿占閑鷗。有限韶華又早休。羨殺荷花生較晚。不隨風絮人替愁。扁舟黯黯苦吟身。墮粉殘芳轉見親。只恐明年春易見。五湖烟水遠於春。

舟中望縹緲峯

但作孤峯峭。不似羣山亘。翠影落前灣。夕陽峯背暝。應是少行人。松花滿風磴。

洞庭西山懷同社諸君

相思何處切。身在洞天居。風起鼉鳴窟。雲生人荷鋤。暖波蕈菜後。香雨橘花初。欲共無由共。漁舟與寄書。

茶塢雨中招遊石湖

連天綠樹水微茫。漸見船頭一埵長。撐過石橋回首望。斜飛白鳥去橫塘。獵獵青蘆漾淺沙。畫橈泊近釣人家。波神羞澀春光去。娛客風翻白浪花。淹留却爲酒人招。駕得吳王送女潮。盡日不歸杯在手。清歌一曲雨瀟瀟。三舟陶峴舊風流。簫鼓行廚載兩頭。烟雨綠波無限好。未輸明月石湖秋。

盤歸錢塘留別嶼谷半查玉井于湘

匝月連牀處。虎邱山上樓。明朝分手去。鶯脰雨中舟。黃色雖云喜。清尊轉覺愁。相期何敢遠。當共醉葵榴。

閱 華

雨宿江口

林屋鳴 鐘

篷背雨瀟瀟。併入江流響。夜久覺船移。知有春潮上。

丹陽道中

舊郡屬朱方。迢迢水驛長。林花表村落。岸草點牛羊。廢瀆人烟少。新豐酒味香。徘徊泊船處。山色暮蒼蒼。

遊慧山三首

蜿蜒九龍山。春烟澹墟落。弭櫂入香林。殘梅著芒屨。淨掃石上苔。閑披竹爐作。禮塔成後游。吾將踐僧諾。泚泚石泉流。落落雲松陰。一杯辨水味。再酌清人心。幽音發孤聽。如鼓風中琴。緬懷桑苧翁。倚樹成微吟。泉源自不竭。散入林亭間。既從人外游。復此池上閑。吟看樹移景。目送雲歸山。未得一宿留。禊飲浮杯還。

虎邱上巳

東風扇薄譟雲熱。車馬紛紛寺門咽。客來正欲祓塵襟。恰逢虎阜重三節。落花如薦草如茵。樓閣家家面綠津。水邊人影橋邊柳。都與山塘作好春。

晚步劍池

鳥宿人未宿。夜語空山清。星自池底見。僧從林杪行。悠然磐石上。坐待寺鐘聲。

過明瑟園

門掩春波闊。庭餘古木尊。幾人浮野艇。一逕入花源。耆舊當時隱。風流異代存。詩筒兼酒琖。吟醉月黃昏。一夕竹房臥。曉來春鳥鳴。披衣時獨立。拄杖或閑行。靈岫當窗見。梨花隔水明。名園無好句。殊負此幽清。

天平山六絕句

水石閒

小窗宛橫幅。一石與一水。細路曲通樵。入山自茲始。

白雲泉

英英靈竇出。瀼瀼幽磎鳴。未能作霖雨。應戀在山清。

雲磴

雲自峽中流。人從磴道上。毋使進步迷。一失落千丈。

蓮花洞

玲瓏石竅入。絕似菡萏房。中有不染心。自然生妙香。

劍削崖

誰將三尺水。削此一片石。風雨繡苔花。兀立太古色。

石屋

鑿厂置佛屋。高與浮雲齊。清鐘傳上下。迷路失東西。

支硎山

筇輿軋軋鳴。出谷復入谷。步步踏雲泉。村村過花竹。佳處時一休。臨風想遺躅。支公調鶴地。孤峯秀羣木。

香花古道場。至今留佛屋。寒山舊隱人。墓草春風綠。空餘臺榭閒。幽咽噴巖瀑。浮雲今古同。白日人世速。幸我腰脚健。清遊已能續。一笑俯平闌。鬚眉照池淥。

華山

五丁運蕭斧。鑿壁成梯枕。直上數千仞。乞我爲津梁。躡足蓮花峯。恍若乘空翔。去天只一握。下眎何蒼茫。衆瀆似縈帶。亂石如散羊。飛鳥已在下。天風飄衣裳。疑有鸞鶴迎。縹緲吹笙簧。歸途屢迴繞。夾徑青松長。

靈巖山

遙望靈巖山。孤墪矗林表。坡陀草樹青。窗中見了了。今朝山出雲。一朵宿園篠。繚繞失羣巒。縕緗散池沼。振策入空濛。溼衣春雨小。少焉達寺門。風過倏如掃。曠然天宇開。目送空際鳥。始知山水閒。晴晦看總好。輸與住山僧。清景閱昏曉。何處舊琴臺。千年問芳草。

鄧尉山

舊聞香雪海。中有空王宅。茲遊不及梅。沿村李能白。新綠浩無涯。落英紛以積。行遠山已高。花多徑逾仄。宛轉造香界。婆娑古桂柏。隨意循短牆。一覽具區色。片段過湖雲。掩却半峯碧。茫茫巨浸中。點點見帆席。明日汎扁舟。定宿西巖夕。

天池

亂石圍荒寺。雙扉久不關。鹿麋終日往。老病一僧閑。松桂歸廚爨。莓苔上佛斑。清清滿池水。流不到人閒。

石壁菴

蘿葉藤化滿壁懸。漁洋山在石牀前。他時燕子龕中住。臥看秋帆販橘船。

過落木菴

脩然林屋翠微閒。想見清風日掩關。身世亂離傷白髮。文章聲價重青山。禪宗能忍都虛幻。詩法鍾譚亦等閒。獨愛至今池水淨。與僧分飲一瓢還。

下堯峯

上堯峯接下堯峯。石路無塵滿谷松。行盡清溪人不見。萬修篁裏一聲鐘。

韓忠武墓

崔嵬巨石壓龜趺。爲問蘄王墓有無。一代戰功先北府。十年身退老西湖。憶曾冠服埋丹嶂。剩見牛羊臥綠蕪。泉下忠魂應不憾。青城依舊係亡俘。

本傳載賜朝服
貂蟬冠入殮

食蕪

行廚竹裏日留賓。一棹春風更采蕪。點鼓作羹無限好。却教反戀未歸人。斂股縈流翠縷如。流匙香滑世應無。他時繫得相思切。不待秋風汎太湖。

過湖上草堂

吳中有高士。遺宅礪之濱。遁跡憐王霸。逃名憶法真。石垣三徑草。木主一龕塵。寂寞空山裏。誰來薦綠蘋。

重過白雲泉

經旬上沙住。遊屐此重過。接覓清泉細。連山綠樹多。指尋雲磴路。行識竹房坡。縱使鶯聲老。猶勝一曲譟。
是日僧寺有笙歌喧雜。

將過太湖石公山僧來遊

風雨小遲迴。扁舟待水隈。心期青嶂遠。僧帶白雲來。湖上人初去。山中花剩開。爲言夕光洞。先已掃莓苔。

留別明瑟園三首

茶塢山前潭上村。成雙老樹恰當門。平橋月色方塘雨。無限清機入夢魂。
蕪絲清脆竹胎香。幾度句留入醉鄉。明日扁舟徑歸去。酒邊燈下更思量。
風廊曲榭煮茶聲。翦燭分題笑語清。十月小樓臨水住。再來草石有親情。

薄暮登石公山

湖水四無垠。巉岼亂石皴。懸崖虛受佛。絕壁下通人。幽怖生殘照。高寒失暮春。洞天知不遠。儻一遇仙真。

自石公山放舟至林屋洞

昨日湖中快烟水。一瞬風帆一百里。今朝湖上數雲巒。柔櫓嘔鶉明鏡裏。取次漁灣荻港收。此身已入洞天遊。金庭玉柱似不遠。紫泉白芝如可求。洞天本是神仙窟。中貯金經藏日月。天后何嘗闕闕門。世人爭奈多凡骨。茲來正值春日晴。洞口已覺陰風生。稍深石髓沾衣溼。漸入雲英著履輕。窅然疑有蛟龍伏。肌

體森森軫寒粟。未經險處索幽虛。却從歸路看平陸。人家屋舍傍青山。麥隴桑畦春晝閑。此中自有畊蠶地。舟楫何須接世閒。

包山寺

雙塔青林外。三門翠嶂邊。烏知山寺路。松識石幢年。流水看無厭。疎鐘聽渺然。我于清絕境。直欲老棲禪。

毛公壇

鍊得形骸一羽輕。石壇人去石泉清。山中樵客曾相見。明月松閒嶺上行。

洞庭西山懷同社諸君

帶雨探林屋。乘風渡太湖。如何靈境裏。不與故人俱。詩酒堅新壘。烟霞了宿逋。歸將詫吟侶。身在小蓬壺。

石公山僧樓

到來山寺三宿。時倚僧樓一吟。倏有倏無峯影。半晴半雨湖陰。蓴菜鱸魚入饌。盧橘楊梅滿林。乘興出門展眺。不知身在波心。

銷夏灣送春

幾重青翠亂山明。一片菰蘆野水清。若問吳王舊宮殿。綠陰深樹子規聲。扁舟一葉轉湖滸。回首烟波惜別頻。我與春光共歸去。不知銷夏是何人。

舟中望縹緲峯

遙望縹緲峯。秀色鬱雲霧。我正戀烟波。挹彼最高處。登陟豈憚勞。回舟日已暮。

明月坡飲酒歌

青青萬古石。根浸天吳宮。七十二灣月未到。獨私先照光玲瓏。於時春風激湖水。浪花吞吐聲撞舂。我來坐對嫦娥浮大白。愛此一片淨瑩中。嵌空用手摩挲比積鐵。以杖扣擊如精銅。吟詠旣經鹿門子。鑒賞定值奇章公。傳聞茲山昔受良嶽劫。磨刀亂割青芙蓉。仙家洞府祕奇跡。水窟靈怪潛幽蹤。其材反等不材壽。想因五丁開鑿難爲功。石兮石兮酬汝一杯酒。知汝可與明月相長終。安得盛夏避暑造巖下。赤脚踏之生清風。更欲天寒水落石盡露。宛轉穴竅行能通。直探水底尋蛟龍。

茶塢雨中招遊石湖

筆牀茶竈畫船輕。銜尾橫塘一字行。驚起沙鷗莫相笑。尋詩添得管弦聲。嵐陰黯黯水冥冥。如此湖山始一經。幾度行春橋上望。退紅僧寺石窗櫺。一簇松杉翠色寒。稜稜瘦瘵擁林端。分明似展行看子。染黛峯頭半未乾。野色蒼茫翠欲微。榜人都挂綠蓑衣。櫓聲乍起歌聲歇。載得瀟瀟暮雨歸。

送竹町返錢塘

斟酌橋邊別。風帆各自飛。客中仍送客。歸路不同歸。行色分流水。離情共落暉。西湖君到日。我亦釋征衣。

吳趨雜詠

政事詩名冠一時。至今泮水有遺祠。如何小宋新書在。佳傳曾無及左司。
水石能娛放。逐情文章意氣兩縱橫。劇憐身世逢謠詠。留得滄浪萬古清。
遙看翠竹滿牆頭。咫尺師林惜未遊。高士畫圖空想像。却愁脂粉浣林邱。
停雲舊館久荒涼。猶剩樓前半畝塘。待詔得蒙新賜句。卽今泉石有輝光。

樓 錡

雨泊江口

船尾東風急。船頭細雨來。篝燈江上宿。夢逐夜潮回。

丹陽道中

自憐浮浪跡。慣向此中行。赤柳曾標郡。青山不記名。地閑艘挽盡。風定櫂謳清。瀟灑同噲伴。殊勝獨客情。

遊慧山三首

石牀臥松陰。松吹入幽耳。隔歲還一來。山僧見亦喜。竹鏹有古製。幽窗酌泉水。落梅滿苔徑。日夕香不已。
偶從泉上行。湛然若冰雪。窺臨寂心魂。含漱潤肌骨。山鳥去復來。溯芳殊未歇。不見桑苧翁。清風滿巖穴。
名園倚山麓。蒼翠一潭會。烟霞地所豐。林壑此爲最。春晝變暄淒。孤蹤樂閒外。去鄉無百里。如何曠披對。

虎邱上巳

辛夷花開不肯飛。猶抱殘香待我歸。剛及靈辰修禊飲。况逢法界散晴暉。山前山後畫船機。蛺蝶尋香逐

羅綺那知寂寞少年心。縱到家山如客裏。

晚出劍池

秉燭池上來。喧寂判昏晝。人遠山氣清。星淡松影秀。悠悠憩盤石。微詠落月後。

過明瑟園

扁舟漾山綠。落日到茅茨。水木有古色。禽魚如舊知。竹垞曾作賦。祭酒剩題詞。吳梅村有意
難忘一闕名輩風流遠。琴尊又一時。

百年高隱地。止宿見情深。新月林閒上。濁醪池上斟。悠然動吟思。偶爾愜山心。縱是浮萍跡。還期復此尋。

天平山六絕句

水石閒

當軒何清幽。巖石繡苔髮。一片山下泉。皎若照秋月。

白雲泉

絕壁散泉脈。澌澌方丈閒。但與雲同色。不隨雲出山。

雲磴

危磴高入雲。對峙若雙闕。自非烟骨輕。仰視不敢越。

蓮花洞

烟霞互吞吐。自發茵莖香。終古苔蘚溼。疑有蛟龍藏。

劍削崖

丹崖如削玉。特立青林端。雨洗千萬古。猶帶鐵花斑。

石屋

隱隱青松頂。白石結爲宇。老僧住百年。不知有風雨。

支硎山

天平折而西。數里得支硎。支公有遺跡。於此繙金經。雲鶴不可呼。空復名其亭。幽澗吼瀑泉。白日陰泠泠。如鼓朱絲桐。一聽心一清。復上此山頂。盤盤青螺形。竹徑凡幾轉。交翠延幽情。吳中盛遊覽。車馬喧春晴。伊予今始來。能無笑山靈。

華山

入天松色冷。夾道泉聲喧。足未及初地。心已如清源。香林出梵唄。烟嵐散朝暎。舉手招猿鶴。絕壁同攀援。巨石勢欲落。六鼇力負艱。竭來蓮花頂。遂失他山尊。颯然御長風。列子難與論。未得此棲隱。惆悵歸塵寰。回望所歷境。乃在青雲端。

靈巖山

昨逢綠髮翁。知我抱山癖。遺我九節杖。登覽快扶掖。于焉上琴臺。一訪殘霸跡。零落黃金榻。乃作化人宅。

至道惟空虛。浮雲有生滅。欲問鴟夷子。渺渺烟波隔。目極千里外。天水混一碧。寄言湖上山。吾將挂帆席。

由石壁至元墓

潭東及潭西。梅林實深窅。花發興自佳。花落意亦好。山行四十里。草木香未了。卓午到石壁。松陰覆苔藻。五湖浮我前。俯檻一以眺。爛若白銀盤。點點青螺小。盡日相周旋。山雲與谿鳥。同調四五人。更欲事幽討。回車叩精藍。夕陽在林杪。

竹塢

一代清風不可攀。草堂零落翠微閒。偶吟新漲桃花句。可是無心更出山。文文齋自題竹塢詩。昨宵山雨添新漲。流出桃花事又多。

過落木菴

茅屋空山剩劫灰。竟陵談藝互相推。小池怪底清如許。曾爲先生洗句來。菴有洗句池。

過湖上草堂

滄海橫流日。空山結屋牢。艱難餘阜帽。憔悴一青袍。湖水明秋雪。松風起暮濤。不知寒食後。誰與薦溪毛。將渡太湖石。公山僧來迓。

欲問靈威洞。烟波隔幾重。偶遲孤櫂去。先與老僧逢。雨後朱櫻熟。山中綠樹濃。明朝寺樓宿。同聽一聲鐘。

留別明瑟園二首

軒窗面面漾澄鮮。不是平泉卽輞川。記取客來修禊後。波心看到兔華圓。

無日無詩與酒杯。花開花落坐莓苔。最憐暖翠浮嵐閣。欲別還思一上來。

薄暮登石公山

已訝非人境。梯空入鳥羣。湖心窺倒影。洞口識歸雲。終古銀濤激。何年玉峽分。一筇行勃窣。松頂已斜曛。

自石公山放舟至林屋洞

石公山頭留信宿。石公山下乘孤篷。須臾浪靜風不作。十里到岸扶烟筇。一徑犖确入青竊。草木便覺靈秀鍾。巖巒龍嵒跨絕境。安得不有羣仙蹤。却立緬想元化始。一竅融結風雲通。金庭旣闢天后宅。玉簡亦助神禹功。昔聞好事恣幽討。束縑而入驚蛟龍。伊予魄動但窺瞰。殘春氣候猶嚴冬。陽烏飛光兔孕腹。萬古不燭如鴻濛。自笑形骸本濁俗。紫泉白芝那可逢。恍然久立已隔世。詎知山外日未中。

包山寺

偶隨樵路入。古刹似荒村。碧蘚上禪榻。青山抱寺門。松高接天影。泉冷湛心魂。皮陸曾題句。徘徊何可言。

毛公山

手把丹書去不回。仙壇積雨徧蒼苔。石泉僻遠無人汲。時見松陰鳥下來。

石公菴僧樓

山樓臥聽風雨。湖上清游暫妨。幾點漁舸出沒。三州烟樹蒼茫。窗中寂無人語。簾外微聞佛香。待得水天開霽。好尋角里相羊。

舟中望縹緲峯

崔嵬入雲中。本是諸峯長。清暉隔蘆灣。秀色落烟榜。知有仙靈棲。安得扶筇上。

消夏灣送春

五湖長在夢魂閒。纔放扁舟春又還。只恐明朝尋不得。一重烟水一重山。零落吳王避暑宮。風光都半屬漁翁。怪他不管興亡事。波上年年醉落紅。

洞庭西山懷同社諸君

廣陵相別後。游事不曾閑。病酒桃花塢。尋僧明月灣。詩歸雙屨底。春盡亂峯閒。吟社應相笑。扁舟忘卻還。茶塢雨中招遊石湖

楞伽山下雨霏微。春盡餘寒戀袷衣。珍重故人留客醉。歌聲低壓水雲飛。曾聞湖上采香蕪。空羨沙頭釣紫鱗。彷彿文家圖畫裏。綠蓑青笠過橋人。載將茗椀與吟牋。消領江南櫻筍天。烟雨綠波移櫂去。安知不是石湖仙。一春縱酒百千場。况是閑身在故鄉。只恐他年忘不得。畫船絲竹過橫塘。

送竹町返錢塘

吳鄉足烟水。何事苦思歸。攜得新詩本。還尋舊釣磯。茶收龍井後。花放馬塍稀。縱戀鄉園好。吟壇莫久違。

吳趨雜詠

壁水西偏屋數椽。千秋俎豆使君賢。近來亦有流亡者，不識何人媿俸錢。
石橋宛轉水彎環。幽絕都非城市閒。長史清風千古在，空亭日暮欲忘還。
欲叩師林訪舊蹤。閑門何事鎖春風。禪窩本是無常住，清景還能似畫中。
文獻凋零劇可嗟。舊時香草失根芽。此中已自堪惆悵，那更平泉屬酒家。

嶢谷馬君傳

舊史杭世駿撰

君諱曰瑋。字秋玉。別字嶢谷。姓馬氏。系出宋廷鸞公後。世爲祁門人。曾祖考諱大級。前明諸生。祖考諱承運。州倅。始遷於揚。考諱謙州司馬。兩世皆以君貴。贈朝議大夫。妣洪太君。生妣陳太君。皆以君貴。贈太恭人。年二十三。歸試祁門。充學官弟子。伯兄早世。仲兄繼伯考後。世所稱燕堂奉母圖。汪貞女者是也。君至性醇篤。侍庭闈有嬰兒之色。終其身弗少衰。且敬以事兄。愛以撫弟。不知形之分而體之別也。見之者退而踧踖。多自以爲不能及。自朝議公捐館後。而仲又中道殂謝。君承先人之業。推排世故。搗拄艱鉅。淵照不遺。才鋒肆應。而秉性慈惠。疾言遽色。不加于童媪。利濟之事。知無不爲。爲無不盡。江都荐饑。捐金爲粥。邑無菜色。鎮江被水。君出粟數千石。以濟昏墊。流亡漸集。揚城低窪之地。溝渠汙塞。流惡無所。民多重隄之疾。君獨力開濬。利賴至今。黟邑漁亭。路通七省。孔道綿亘六十餘里。君首唱修築。大道砥平。擔負稱便。韓江人文爲盛。而士無專師。君於梅花嶺創建學舍。郡邑大夫。禮聘諸先輩爲師。青衿組帶。環席請業。科甲蔚起。敬宗敦本。葺完祠宇。人尤稱之。他若育嬰鞠稚。冬綿夏帳。病有藥。死有槨。設義渡以通往來。造救生船以救覆溺。所謂生死肉骨。銜恩佩德。于君者。皆君逸事。而未悉其概也。君仁聲義色。名滿江淮之間。凡氣類之士。煬和扇德。增長聲價。皆倚君爲堅城。而傾接文儒。搢衣恐後。錢唐厲徵君樊榭。陳處士

竹町有震世之才。凌轢一切。授餐適館。久無怠容。吳興姚秀才意田。甬東全吉士謝山。仁和張孝廉南漪。有宿讀之學。穿穴萬有。發榻寫鞍。欣然款洽。結行菴於天甯寺側。與陸司馬淳川。張國子喆士。讓圃相鄰。春秋佳日。郡中名輩咸集。擘箋鬪韻。開設壇坫。君與難弟半查。閉閣沈思。追躡古作。長篇短簡。悉中程度。居當南北水陸之衝。舟車刺促。冠蓋絡繹。江湖之吟侶。金闈之碩彥。巾拂之高僧。咸申巾幘。提筆入社。詩筒茗椀。窮日累夕。魏氏敦交。玉山雅集。未足喻其芳蹤。方其勝軌矣。

駕江壖。疊蒙

恩賚。

賜石刻御書、貂緞、荷包、鼻烟壺、等物。

行宮賜飯。

寵遇優渥。榮逾畫錦。是冬入祝

聖母萬壽。又

賜貂皮宮緞。君方以部主事。需次選人。

恩加階級。均爲異數。君感激奮勉。願效涓埃之報。凡遇公家之事。不避艱險。今年六月。往來金陵攝山之閒。中暘歸熱而不寒。竟以不起。年六十有八。知與不知。皆爲流涕。君無子。房中人有身四月矣。未卜男女。

半查以子振伯來奉哈斂禮也。君天骨英異，弱不勝衣，而遇事臨發，動中機會，雖毅夫介士不能及。退居一室，如枯僧靜衲，夷猶澹遠，以奇文祕冊爲師資，以法書古鼎爲食飲，以長松怪石爲游處，擺脫愛染，陶冶性靈，非多生有淨業者，不能到也。北固三山中，吳洞庭林屋之勝，足跡幾徧，詩筆淋漓，與樵歌梵唱相應答，望之若神仙中人。一篇甫出，大江南北，朝傳夕徧，近日德州盧雅雨先生，誣諉刊刻漁洋感舊集，竹垞經義考，尤爲士林所寶貴。

舊史氏曰：余交君兄弟，踰三十年，別去又六七載，自越嶠歸，舟泊黃家漾，夢君遺石刻三十紙，了了上口，皆雲霞仙篆之辭，覺猶記和東坡雪浪石一篇，絨詩寄君，許以屬和，未兩月而凶問奄及，半查千里走使，求余傳其生平，前塵昨夢，飄如葉積，青燈夜雨，握筆淒其，不知涕之無從也。嗚呼！君交滿天下，余以棲遲淪落，獨肩後死之責，旣以傷往，行自悲云。

右林屋唱酬錄一卷。國朝馬曰瑄等編。案曰瑄字秋玉，一字嶰谷。其弟曰璐，字佩兮，一字半槎。乾隆元年，同薦舉博學鴻詞。是書則其昆仲偕友人陳章竹町、閔華玉井、樓錡于湘，自揚入吳，遍游林屋諸名勝，各得詩若干首，錄而刊焉者也。沈文懋固。召試同徵之友，特序焉。王蘭泉蒲褐山房詩話謂秋玉祁門人，居揚州。是時盧雅雨見曾，前後任兩淮運使各數年，又值竹西殷富，接納江浙文人，惟恐不及。秋玉佩兮咸與扶輪承蓋，於是四方輻輳，而小玲瓏山館尤爲席帽所歸。斯游也，乃獨與二三韋布之士泛舟昇陟，取暢幽情，借訪荔蘿，談討芝桂，亦可謂放懷事外者矣。偶得傳本重刻之，以識景慕之私。後有朱書欲補雨中聯句，渡太湖聯句二首於佩兮詩內，謂袁簡齋大令筆也，似可不必。杭大宗檢討曾爲秋玉作傳，見道古堂集中，亦。召試同徵友也。附錄之以傳其梗概。道光庚戌端陽令節，南海伍崇曜跋。



刻 燭 集

曹 仁 虎 纂

本館據藝海珠塵
本排印初編各叢
書僅有此本

刻燭集

清 曹仁虎纂

目錄

- 覺生寺大鐘聯句
- 憶竹聯句
- 憶桂聯句
- 食蟹聯句
- 永樂菴訪菊聯句
- 蒲萄聯句
- 嘉靖宮扇聯句
- 鬪鶴鶉聯句
- 九月十三日集陶然亭作展重陽會即送董東亭歸海鹽聯句
- 同人集綠卿書屋賦得京師食品聯句十首
- 玉田米 豐潤酒 房山炭 密雲棗 昌平栗 遵化縣梨 寶坻銀魚 固安黃鼠 安肅菜 采育里山藥
- 集陸耳山新居聯句
- 蘊車聯句
- 冰牀聯句
- 十二月十日集楷素軒觀盆中芍藥聯句
- 祀竈聯句
- 閨花朝小集聯句
- 杏酪聯句
- 集程魚門拜書亭觀藏墨聯句

覺生寺大鐘聯句

華鐘鎮祇園。曹仁虎廓然容萬斛。佞佛成祖營。王昶役徒少師督。激電移歲時。趙文傳燈閱涼燠。探勝據遠懷。吳省欽趁閒討遺躅。車遲曾城阿。嚴長明寺聳大道曲。豐碑蛟螭蟠。沈初巍座龍象蹴。周遭庖廡。陸錫熊錯立栝松檜。駁薛鋪城堦。仁虎倒茄麗楊楸。威神屏方良。和恠偉圖忽儻。流鈴夏郎當。文法鼓震塗毒。繡繪內家牖。省琳笈中禁軸。幽響飄迦陵。長明妙香散篤耨。耽耽廣院呀。初屹屹岑樓蠡。鼇柱擎坤維。錫熊雁堂仿乾竺。風樞亞差參。仁虎露拱盤歷碌。上枕腰彎環。和綠壁脚不子。蟻穿窵以深。文螺旋往而復。越趙笥虛橫。省帖帖

蒲牢伏其圍四尋餘。明長厥徑三切足。重八千衡贏。初高十六尺。縮積石儲廩困。熊錫量祛越方幅。頂同孟體。

圓。仁身作鏡光煜。辨名殊重層。祖取象類大腹。排纒饜饕蹲。文介篆虹蜺束。昂俄夔首撐。欽瑣碎虬紋簇。

哆張陋釜鷲。明長雄峙喙齧響。有銑兼有鉦。初非罇亦非鐃。中懸廬肖穹。熊錫下覆室成覆。熊熊景常敵。仁黜

黜色轉沃烟。煜湧帝青。祖繚繞暈官綠。含霜九芒寒。文炫日五采昱。鋒棱沙畫錐。欽綬理錦交緝。重為遼

匪行。明長共作迴環讀。華嚴緋寶函。初般若譯珠積。品經貝葉傳。熊錫真偈蓮花續。體變盧佉文。仁語想釋伽

囑。蓋紐危自垂。祖鯨桴怒相觸。雷音走隆隆。文颺韻汜謾謾。應大昭小鳴。欽中左羽右鱗。豈立號立橫。明長

乃滿阮滿谷。曰動氣必宣。初維空聲斯蓄。警宵分雞籌。熊錫報午聞魚粥。旅魂感恫惶。仁山鬼拜蹕踟。大地

咸震醒。祖諸天正清穆。聲聞豁塵襟。文喟息稽故牘。主鬯貌孱孫。欽操戈恣悍叔。時方息龍爭。明長事忽符

燕啄。腹心寄齊黃。初羽翼翦代蜀。葛藟忘庇根。熊錫椒聊使盈劑。啓疆假以權。仁睨器求所欲。連營諸將驥

入幕一翁禿。讖誇瓦墮空。文計詭壁藏複。飛颺鞞脫鷹。欽跳突原走鹿。歌風北方強。明長占繇南國盛。臨

江勢已成。初割地議空瀆。郭門喧征鼙。熊錫闕閃戰纛。宮中傳披緇。仁殿上儼受籙。周公輔誰欺。祖和尙

誤難贖。紀年付革除。文鉤黨窮訊鞠。著緋衷刃趨。欽要經投筆哭。嗚呼冤哉烹。明長狼藉弱之肉。株連榜姓

名。初羅織藉家族。雨仗修羅宮。熊錫雪鋸波吒獄。孰白重泉窓。仁莫逃一字慝。魯弓假不歸。祖周鼎遷重卜。

鑄鐵悔六州。文貢金來九牧。象功愧和平。欽懺禍懲殺戮。大慈見應噴。明長宏願持較篤。濁劫經刀兵。初道

場會水陸。咨考工庀材。熊錫命將作勅屬。銅調牝牡蘇。仁火扇文武俗。制器僇工能。祖揮毫學士獨。一磔復

一波文三薰更三沐。幅整資臨摹。省坏圓試鏤鑿。搏泥外渾淪。長化蠟中滲漉。封冶長庚監。初開鑪太乙

颺瀉液凝碧烟。錫騰輝燦朱旭。咒鱗降蜿蜒。虎仁卦蚌熱殼棘。審音析毫釐。初中度辨黍粟。雄梁高引瓶。文

飛架圓轉轆。大衆謹讚揚。省羣靈駭馳逐。漫將毅魄招。長直使陰魔服。解脫驅三灾。初祈求沃百福。真諦

參每煩。錫善根種非宿。是為有漏因。虎仁詎稱無量祝。縱依淨土安。初終俾吉金辱。疚心積孽多。文彈指流

光促。沈埋痛瓜蔓。省倉卒報榆木。十朝舊物貽。長萬壽崇其築。明代是鐘本貯太內。後移漢經廠。萬歷五年。

之見野獲編。及帝京景物略。賜出從紫閣。初移來近蒼麓。聽周釋界千。錫撞選僧彌六。喧寂任禪緣。虎廢與易世局。鴛

舍藏至今。初虎分禁自夙。天啓中。有言寺在帝里白虎分。不宜。地隨毫社遷。文世閱秦灰速。啞棄堆泥沙。省

僵眠蔽樸檉。剜苦過客摩。長擲礫游童扑。代已變滄桑。初物仍寄葦殼。流傳四丁訛。燕邱紀開云。是鐘鑄造

日時。皆四丁未。今考永樂朝。無。呵護六甲肅。丁未年。蓋汪氏之訛也。錫熊。景運逢轉輪。仁昌時協調燭。提唱通人天。初秉持微道俗。闡法開化城。文棲真傍靈囿。挽以千馬車。省貯

之萬鱗屋。奏殊辟雍鼓。長陳擬房序玉。

帝臨星罕移。初

聖作奎章爛。正覺發顛蒙。錫多生遂熙育。仁水源功德滋。初雲氣吉祥郁。文母愴憑弔情。省且暢登臨目。

長新詩如叩筵。初用補春明錄。錫

憶竹聯句

薊植非無種。吳省成林願未諧。程晉款門何所造。曹仁開徑有餘懷。嚴長舊宅棲雲外。熊錫閑園抱水涯。
沈初亂抽簪一束。趙文寒削玉千排。欽露重枝妨帽。芳晉泥鬆筍避鞵。虎仁相看渾不厭。明長小住且為佳。熊錫瑣碎
 吟徒好。初平安訊轉乖。哲文前盟青士阻。欽別思綠卿皆。芳晉瑟瑟招涼榻。虎仁騷騷聽雨階。明長樹塵凝弗掃。熊錫
 庭月冷空筵。初曲援兼荒樵。哲文單扉久閉柴。欽披襟聊此地。芳晉把臂尙吾儕。虎仁素節知難改。明長深緣信必
 借。熊錫襪材煩畫手。初留影在高齋。哲文

憶桂聯句

問訊南州桂。趙文丹叢取次熏。沈初氣乘秋正滿。熊錫陰與月平分。嚴長直榦陵松蓋。曹仁盤根駁薛紋。程
芳冷含虛院露。吳省高臥小山雲。哲文影識前身現。初香參逆鼻聞。熊錫有華寧不實。明長無隱欲何云。虎仁偃蹇
 懷芳躅。芳晉淹留愧俗氛。欽植根遷未易。哲文攀樹望徒勤。初偶爾陳盆盎。熊錫猶然阻屐裙。明長畫欄空細雨。虎仁
 荒圃幾斜曛。芳晉歲晏誰華予。欽人閑最憶君。哲文蒼蒼留古貌。初落落吐奇芬。熊錫好服真仙訣。明長憑招隱士
 羣。虎仁故林眇天末。芳晉惆悵倚微醺。欽

食蟹聯句

水錯饒羹材。程晉廚珍試饌法。堆盤解象占。趙文就座旅情洽。販集丁沽腥。阮葵買問亥市陸。飽露腹中
腴迎霜骨外砧。跪交銀戟撐。吳省螯舉玉鈎夾。凸如背負筐。曹仁森若胷貫鉀。急縛氣尙雄。陸錫橫行
 徑已狹。濡濡沫互噴。音宛宛目交眨。飼宜土膏肥。文漉用井華。潔族徒葦籃。傾生命併糠火。燴泣釜鼎娥

憐。潮登筵觥使扱。薑芽小紅攢。欽省橙縷新綠招。酸醯一勾料。虎仁苦醞百分呷。笑爾中腸無。熊錫供吾左手法。
 猛夫詫突晴。芳晉公子嗤駢脅。尖團臍共覘。哲文磊落殼先撈。褌蓑雪膚鬆。生癸披鈿金髻欲。千齡珀凝脂。潮六
 州鐵鑄甲。纍纍鬣足叉。欽省薄薄螭房映。瑩白瓊液滋。虎仁賴黃玳膏浥。肌充美自含。熊錫腦滿香齊嚼。批卻爪
 梳爬。芳晉觸芒齒昨齧。攪疑戰拇囂。哲文齧擬甘唇狎。渠魁咸拔尤。生癸么磨亦承乏。髓浮霑襟裾。潮支解謝箸
 筴。細咀耐更番。欽省大嚼誚半雲。積髒高峻嶒。虎仁餘肪膩接潔。賤桃花楚蠹。熊錫陋藻苗越蚋。倦僕涎欲流。芳晉
 饕朋口猶吐。菽乳滌惺忪。哲文菊鈴搓鞞鞞。清盥陳綵巾。生癸雅譚捉蒲篲。候乘夜月虧。潮興逐秋風颭。醉容
 何傴傴。欽省鄉語競評評。荻漲遠踰淮。虎仁蕪波清到鬢。簪筓迎溜懸。熊錫斲箔椽泥插。江空八月寒。芳晉港暝一
 燈舛。橘洲煙溟濛。哲文菱渡水溶澱。郭索依牛涔。生癸沿緣上魚番。奔明集渚汀。潮負固藏厓厓。鉗蘆走蹒跚。
 欽省執穗行。趨越智輸蚪。泉穿。虎仁形寄罅。穴灰乘潮或歸溟。熊錫過雨爭聚牖。菅屨來徐徐。芳晉葉船去泛泛。昏
 撈帶草蝦。哲文籊動驚花鴨。種堪按譜搜。生癸味待加餐噉。瑣碎鸚鷺織。潮輪困虎斑膚。長卿文獨豪。欽省彭越
 力寧怯。紛紛遭拘擒。虎仁帖帖被檢桺。枚非一千須。熊錫輩喜十六恰。趁墟沙尾喧。芳晉論價擔頭壓。詩換蘇何
 饑。哲文洒浮畢所押。送似走白衣。生癸招邀脫烏帽。生拆宜鹽投。潮熟蒸忌湯燂。榼釘蔗霜黏。欽省罌裝椒雨腌。
 封糟窖墻陰。虎仁和醬暴簷吸。真應常侍除。熊錫幸少監州燿。烹異蔡公訛。芳晉議思鍾子誦。偶參琴心圓。哲文每
 悟茶眼盼。歸夢懸筌簞。生癸客懷滯筵笈。舊蹟印鴻泥。潮流光熟羊胛。蓼塘畫展屏。欽省笠澤書緝匣。給鮮徵
 食單。虎仁忍俊妨淨業。少坐俟吟安。熊錫星芒動簾押。芳晉

永樂菴訪菊聯句

薄旅淹蕭晨。曹仁刺促萬人海。冷朋逢合并。程晉初地得幽境。龜古剝霞斑。阮葵殿深隱煙彩。綠枯砌草

腓。趙文黃隕牆槐瘦。蔬坪閬爾閒。吳省荻戶閉然閣。關心素節徂。董入眼芳蕤在。院虛散低叢。陸錫籬短

舒細蕾。品題分苦甘。吳省培蒔別勤怠。圍繩界週遭。文抱甕澆潔澤。頭苗出土鬆。葵脚葉防泥澆。瓦圓束

莓苔。晉鉏剗刪藿蔭。竹箭扶亭亭。虎仁牙牌記磊磊。遮箔初晴纒。蘭省翦蓑未雨迨。花當跳寒蛩。熊錫莖了捉伏

蝻。鈴看个个勻。潮臺想層層藥。檀熏羅疊紋。欽省茜染綏垂綵。塗脂暈融融。芳晉捻雪堆確確。蒂搖鶴賽翎。虎仁

筒捲蟬縮鬢。孕麝臍氤氳。文垂鶯乳腕腕。玲瓏玉排釘。生葵絡索珠貫琲。鮮苞纏錦綳。潮瘦瓣卸銀鏡。側蓋

形回旋。欽省橫毳勢陔垂。雙文鏤爛熳。蘭省十樣裝錯鑷。清含半萼呀。熊錫密倚重跗埒。林僧誇試方。生葵圃匠索

遷賄種原北地佳。文開尙西風待。倦侶感經秋。虎仁故園別逾載。就荒徑縈紆。芳晉無恙山峯嶠。分栽蔭松筠。

熊錫雜藝掩蘭茝。盎滿陳堂均。欽省屏高傍石礎。仙姿稽銘誥。蘭省逸品范譜匯。狂思插帽頻。潮瘦憶捲簾每。斫

鱸蓴糝羹。文擘蟹燕和醢。泛蕊添朝醒。芳晉餐英慰夕餒。服餌日紀寅。生葵飲泉年問亥。德宜中央占。虎仁令豈

小正改歌招楚江纛。蘭省鄰卜彭澤宰。被災詢長房。潮蠲疾效袁隗。明燈照遠枝。熊錫淡墨貌寒蓓。屢詞鞠有

窮。欽省隱節遜无悔。舊遊夢已遙。虎仁近賞樂斯倍。心清離坐塵。生葵僻遠輪輻。房斂態含頰。芳晉藹敷光露瓏。

弱艇款乍欹。文殘蜨捎微颺。不言人淡如。欽省有色客嘉乃。伴應茱萸偕。熊錫名匪薏苡詒。來乘霜未霏。潮歸

趁月初朏。後會遲重陽。蘭省盈把試同探。虎仁

蒲萄聯句

蟠根蔭秋繁。程晉磊實壓架閣。趙文匝步停圓陰。曹仁布坐觸微馘。阮葵低謝桑梯綠。吳書斜宜棗竿掇。長
 明長葉翦青霞裾。潮董粉褪紫茸褐。陸錫花鬚卸錦綳。文菽乳逗羅袜。晉承盤珠顆纍。生入手彈丸脫。仁落
 蒂僅扶寸。明函粟不盈撮。欽辛含舒眉攢。錫甘吮利齒齧。潮嘗新枯腸腴。晉道古滯臆豁。生漢歷推太初。明
 省唐封拓且未。熊種隨首宿來。文名先荔支達。仁露湛金莖寒。明漿濁玉魚癢。潮宮榼柑並傳。生貢包橘
 應奪。晉十種蔓雞田。熊百株纏虎鬪。欽離離碧琅玕。仁粒粒紅韎鞞。文白訝乾雪霏。潮黑疑淡墨抹。明鴛
 機翻樣奇。生鵝絹折枝活。哲麝眠香玲瓏。虎蜂鬧影鞦韆。芳絡野延豆棚。熊擔市堆竹筴。明移栽知誰何。潮
 攀摘問月曷。欽牽連春植援。哲防護多擁場。生銅瓶注濃泔。芳金薊薤叢叢。虎穿幃月惺忪。明裂帛風
 粹縹。熊蕭梢綵鸞翔。欽天矯山龍拔。潮薄游眯軟塵。芳素食厭犢糲。明櫻虛四月廚。虎蔬乞千家鉢。欽省
 明詫駢羅。文指動快擷捋。熊黃欺皺栗蒸。生綠勝浮瓜割。潮蘋婆枕却懸。明芋魁鱸免撥。芳分無涼州除。欽省
 心憶漢水潑。虎巾角翠雨淋。熊榨頭紺雲樛。文逾蘭生色清。潮擬桑落性辣。生醉鄉從拍浮。仁釀法早
 研括。文興同麴車涎。芳事異屠門咀。生試佐細君貽。長亦慰侍臣渴。欽省

嘉靖宮扇聯句

明上海陸文裕公深嘉靖中以祭酒直經筵嘗拜宮扇之賜公裔孫錫熊官京師暇日出眎其友
 程晉芳汪孟銷趙文哲阮葵生曹仁虎董潮吳省欽共成聯句一首凡八人其一即錫熊也

秋光傲雕楹。程晉晨爽拭珍簟。娛賓折簡招。汪孟述祖在筭檢。扇裁蜀府新。趙文製陋漢宮儉。勝朝中葉

承。阮葵世廟太阿刻。深居厲刑賞。曹仁旅進雜忠調。一俊占鳳鳴。湖九遠筮鴻漸。南曹巨璫毆。公初授

劉瑾改為南京刑部主事。瑾誅。復官。見明史本傳。吳省欽。東觀羣雅婢。朵殿經樞隙。陸錫條銜御毫點。公南巡日錄。御筆親署為翰林學士。抹落侍讀。侍尉車

塵清。晉飲天酒露粲。迎節蘭辰佳。孟儼直松閣卷。賚衣白紵輕。文解糲紅絲網。是物本貢珍。斐異數非竊

忝。函頒香案臣。仁帕捧閣門閣。爛然朱霞滂。潮清若素波潤。花樣蟬翼翻。欽海圖龍甲閃。段竹截鵝肪。熊

圓釘貼蟹曆。紙壁蠶纒紉。晉銀塗泥盪漱。佩宜錦囊盛。世廟賜張學敬等。錦囊詩扇。見嘉隆間見記。孟錫。絡藉綵索綫。世廟五日賜

等。綵素牙扇。艾虎等物。見翰林紀。攜歸袖翻翻。文傳示目規規。樓添槐雨涼。公寓邸有槐雨樓。在宣武門內。見日下舊聞。斐生。屏引梧廳颺。公有

石屏。集中有詩。今藏於家。揮疑仙骨珊。仁障少俗氛玷。三沐兼三薰。潮一重或一掩。迴翔瑣闥榮。欽蹉跌延津貶。公

講章為閣臣所改。奏請各陳所見。謫廷平同知。見本傳。大柄迄不持。錫疎節詎終慊。懷中月團圓。晉天上日荏苒。春祠晉嶺花。孟夜艇

江湄笑。握隨印杖倚。文疊映越羅斂。公自同知樞山西提學副使。改浙江。進江。歷四川左布政司使。見本傳。巢痕玉署空。斐篋泪金蓮染。黃

扉誰畫接。仁青詞競宵禱。履絢羽鳥蹻。潮冠葉香螺鬘。紫禁輿並扶。欽丹壺藥獨夾。捋虎腰領糜。錫嚇鷄

臭腐噉。望虛棘與槐。晉興託菱其芡。抽身等棄捐。孟炙手避威燄。吉金行囊垂。文廉石歸舟斲。申浦折芟

紉。斐袁壘團茆屑。願豐課田園。公集有願豐堂漫書一卷。仁虎。後樂窮豁廣。公園名後樂。在春申浦東。谷水圖斫鱸。潮茸城賦載獮。蔬

筍安枯禪。欽杉柏絕驚壓。臨池妙素縑。錫數典富鉛槧。風流被朱沫。晉思款話斯憺。出入變寒暄。孟卷舒

信夷險。貽厥傳魯弓。文昭茲守周琰。文孫勤服膺。斐冷客慰饑噉。披襟當北牕。仁际景薄西崦。把翫神聘

胎潮評泊口喞。規隘七寶織。欽書彩奪五明罨。森森鸞尾捎。熊錫趨趨雀翎翽。便面剗觚圓。芳聚頭學裙袴。
什襲閱百年。孟陸離驚一睽。畫零粉蝶翫。文墜失玉魚。旼袂看蹙繡。韜生懶拓翦紗拚。祛濁敢拂蠅。虎仁通
靈或駭騰。展防寒具污。潮揚奉清芬奄。家集網叢殘。欽書國史補遺帖。况坐春風春。公有春風堂隨筆三卷見續說郭錫熊羣瞻
儼山儼。芳

關鶴鶉聯句

瑤天星散機。趙文有鳥孕冲突。得性含春淳。吳書作氣厲秋飈。霜枯短蓬搶。程沙淨橫草趨。產滋冀土
墳。阮葵族聚燕山岐。尋聲緣鏤腔。董捕影伺繡袋。梯媒促隊勻。曹仁截管呼音哮。翠張網離離。陸錫青鳥
竿揭揭。織毳繇繇。綰吳書綰領羅勃宰。一鳴雄可驚。文萬選尤斯拔。楓市侈口囂。欽書柳筐壓背兀。論價輸
紫標。芳銜珍入朱閤。岷椒注圓臚。生湘篠排健屨。爪倖雞距鈿。潮胸綴雉斑斲。鬣黃辨雀髭。虎仁領白詫燕
獮。凝託雲褐披。熊錫嫗嫗露芙蕖。牙籠六曲雕。書錦袋千絲絨。飲承綠芥團。文飼握赤梁秔。藏裾腰輒懸。欽書
揜袖手頻挖。練教指繞柔。芳撫恐髀生脂。匿懷等挾續。生入幕逾蔭樾。三洗伐浮毛。潮再淬礪勁骨。細筋
束寒藤。虎仁老拳擎瘦蕨。是物剽而輕。熊錫于時興也勃。廣座樹拘攔。書大書榜闐闐。結樁肖環圓。文桑臺象
石凸。煖几綠綈緝。欽書短炕紅餈醇。鈎簾檐旭噉。芳填巷車塵埒。弛擔雜備趨。生連袵貴游謁。賓儀盛簪佩。
潮乞相垢巾襪。華褥欵固姑。虎仁嬰帽匝回紇。貂襜榆解緇。熊錫銀絡索開縉。遺矢卽飛將。書裏瘡皆勁卒。壁
上堵如觀。文囊中闐然缶。懸衡較適均。欽書投餌爭乃猝。微偵靜踰鴟。芳迅舉健盤鴝。示暇翩何姍。生賈勇

怒目艷初為鷓退飛潮繼若犬迎齧噤痒久互持仁搏執倏交猝揮喙刺短矛熊錫竦翅庇圓鏹毒噬無完

膚者急斜不容髮羽馳霍若摧哲文肉薄馥焉搯貫胷血模糊欽書鬢足尻餽飢稍休分道颺芳特起異軍撲

痛復攘臂趙生葵暗不轉喉嗚冠褫綵繽紛潮翎磔茸耗耗據險思扼其仁追窮快殲厥穰種逆毛熊錫獠

獠秃尾鬣獨跳鵝陳簡蘭絕叫雁都沒餘憤裂項噴哲文重傷露孫別酣劇魯戈搗欽書喜定謝履扞賀勝歌

嗚嗚芳怯負詔咄咄實篋堆綉繒生葵羅槃燦球珎二鳥又何知潮千鍍比于罰荒禽古有箴仁辨物類可

核為駕禮則云熊錫匪鳶詩亦曰七宿窺清躔蘭九農報深糗帝服司有存哲文聖居度相越此醉秦賜駟欽書

其奔號亡忽生突莊徒矜芳懸庭魏風訐蛙變中候訛生葵雀生常理諄觀化逝駸駸潮釋名勞矻矻落墨

圖可募仁殺青譜應劭喻戰擬鬪蝸熊錫較獵勝載獾戲閱百千場蘭令紀九十月哲文

九月十三日集陶然亭作展重陽會即送董東亭歸海鹽聯句

素節遲嘉宴曹仁塵蹤苦太勞程晉濕雲遮眺遠阮葵涼雨罷登高董此日真堪惜趙文吾徒亦足豪吳

再尋舊約陸錫重九快新遭吳蘭仄徑沿蓉泝芳孤亭轟蕙臯生羸車偕客載潮瘦榼付童操仁潭

古滋泉脈欽書田枯淨土毛熊錫延緣穿葦雪蘭陵緬俯松濤哲壘磴依林峭生迴欄架石牢芳導僧扶竹杖

熊錫恭佛禮金條欽書笏室苔鋪錦仁弓畦菜摘萼潮置身憑絕頂哲文決背辨纖毫欽書日落鴉翻背芳烟空鶴

展翮仁塔痕紅翠嶺欽書峯影翠嶼生萬雉排闥堞潮千鱗枕屋敖哲文野清寒潦縮蘭晏迴晚霞豁錫遠

躡疑乘口仁飛輪欲駕尻欽書澄暉迎座八哲文爽籟逼檐號芳聽版傳齋茗生開尊倒市醪蘭餘甘分綵柿

錫殘繡上花糕。潮細細消嚙渴。晉便便慰腹饜。文絳囊盛露泥。名烏帽怯風颺。仁旅蹟連晨雁。潮離情咽
暮螿。錫狂歌圓鉢擊。蘭絮語短檠挑。生健者雄壇坵。虎歸與整楫箴。晉綠深三宿戀。文文盡十年叨。潮祖
席聞驪唱。生鄉程指馬嘯。海鹽城名柳疎繁別轡。錫楓冷點征袍。蘭津路黃茆店。芳沙墟白板舫。仁暫旋
君計熟。欽久滯我心切。哲去獨垂輕橐。潮懷同折大刀。生村畚荒穠穠。蘭宅逕掩蓬蒿。錫鳴傍橫塘射。芳
蝦臨枉渚撈。生藍田應感杜。潮栗里最思陶。虎遺餌風猶在。哲催租與未撓。蘭蝶翻誇斫胎。錫鳳帖闌持
整。欽粲玉紛盈碓。生真珠碎滴槽。芳樂遊追望楚。蘭能賦軼凌巖。哲異地萸侵髻。仁他時菊滿柵。潮華年
齊駟驟。欽羈緒越禽翺。錫爪跡留初地。芳頭銜共冷曹。生角材慙揜雅。潮賭飲擅吟騷。虎攬袂魂先黯。哲
當筵首重搔。蘭向禽期訪嶽。錫莊惠憶觀濠。欽巷靜砧鳴杵。芳城嚴鼓擊鞫。虎班荆彌繾綣。生落木正櫛
慘。文隔歲違歡聚。欽裁詩荷寵褒。潮望迴燕隴樹。錫夢破海門廳。蘭梅驛紆芳訊。芳槐廳貯雋髦。生題襟
申後會。仁花下待吳臈。哲

同人集綠卿書屋賦得京師食品聯句十首

玉田米

北稻先秋熟。連村起碓聲。趙文餐珠愁市價。種玉稱田名。曹仁味想流匙滑。香宜出甑清。吳東方饑莫
笑。分得一囊盛。嚴長

豐潤溲酒

刻燭集

西折還鄉水。差宜酒作甘。程晉芳一泓光欲瀉。三醞味初含。沈初慣撫燈前棧。愁空雪後甌。熊錫遺聞溯松漠。

送醉入宵談。欽

房山炭

禦寒徵炭品。來自大防中。長明松斲材猶勁。糠煨性已融。文哲香痕籠袖近。雪意隔簾空。虎仁乍屆圍爐節。相期

撥芋紅。熊錫

密雲薑本香

幽叢齊艾蒨。小炷亦含芬。初種向檀山覓。名從藥錄分。晉芳開簾寒散篆。拂鼎靜嘘雲。長明清課看留印。微吟

伴夕曛。文哲

固安栗

迎霜佳果出。自昔御園稱。晉芳紫並花房坼。黃侔玉色蒸。虎仁冬齋遲酒盞。夜市競書燈。初風味山家慣。無煩

故事徵。晉芳

遵化綿梨

俊爽哀家最。披綿味較完。熊錫重堆金作顆。甘削蜜成團。晉芳軟嚼喉先潤。輕含齒並寒。文哲石門秋正老。釘坐

待登盤。初

寶坻銀魚

霜信蘆臺緊。銀鱗逐隊移。仁練波潛易穩。絲網下難知。明長漉向筠筐好。盛將雪椀宜。芳晉不緣晴點漆。投箸正然疑。熊錫

昌平黃鼠

俊味毗狸擅。黃花古鎮旁。文竊糧分曲窰。博士學匡牀。省底藉凝酥餉。應借桐酒嘗。仁技窮憐爾輩。作禮漫倉皇。芳晉

安肅菜

七菜徵燕產。連叢玉作芽。初薦新初出圃。求益慣論車。熊錫根切泥扶寸。窠分雪半了。明長紛紛憐肉食。休向野人誇。仁虎

采育里山藥

冷暑蕃蔬品。靈根斲獻初。省截肪開土厚。炊玉置薪徐。文淡食宜寒戶。仙方問故書。芳晉一盤供月費。果腹不求餘。明長

集陸耳山新居聯句

崢嶸歲光闌。嚴長局促吟思懈。偶傳卜居篇。吳省遂破止酒戒。同人无悔占。曹仁適我有美遊。迹慚陶廬偏。陸錫塵謝晏宅隘。北市表粉坊。趙文西鄰轟香界。枝穩鶯遷巢。吳省逕僻鶴守柴。門前閭可羅。程晉庭內淨弗灑。井眉鹿轡牽。阮葵簾額鴉叉挂。盆松修而臞。明長几石貞以介。幘標甲乙籤。省鼎畫方圓卦。臙瓶

凍中堅。虎仁脚鎗炎上炫。賜扇珍裁筠。熊錫傳書寶垂薤。僵臥人推袁。哲文排入客等噲。輒埃漬帽幫。蘭省餘霰點
 衣袂。矮屏窺瓊璣。芳晉方褥踞緯繡。寒避莊噫衝。葵生暖迎趙日曬。謀十楹千鍾。明長去三揖百拜。泊無饜人更。
欽省把自園官賣。中膳烹小鮮。虎仁末俸鑿疏脾。腹肆溢膏腴。熊錫言泉瀉清快。超超妙談元。哲文咄咄詫語怪。出
 腑森槎枒。蘭省吞芻掃薺芥。支枕吟堂花。芳晉秉燭讀壁畫。賞心癖嗜痂。葵生得意接爬疥。鼓嚴初三交。明長律短
 下九屆。撥籠檀炷沈。欽省打牕榭葉敗。眷茲尊蟻乾。虎仁慨彼隙駒邁。臣飢空解嘲。熊錫僕病倏起憊。身遊稚川
哲文僮守子淵誠。篋牖封紙弼。蘭省薛垣覆泥簣。爭耽秃管綠。芳晉莫顧凝錢債。團頭香火盟。葵生抵掌水天話。
 覘度山公閨。明長愛才穎士价。莞爾開令顏。欽省冠然接芳歛。歸馬路雙歧。虎仁過雁聲一派。終署散人銜。熊錫言
 傍參佐麻。哲文

甞車聯句

寒信連朝到九達。程晉單車催換翠茸帷。曹仁周圍自覺跣趺好。趙文閉置翻教偃仰宜。沈初軟褥層鋪紅
 綵纈。豐長虛牕四映碧琉璃。陸錫久辭暑路遮蟬殼。吳省稍遜豪家製鹿皮。芳晉踞處深深被平紫毳。虎仁馱
 來得得引青絲。哲文真同密室迴環護。初亦有重簾宛轉垂。明長狹巷何妨橫軾凭。熊錫長途恰稱隱囊欹。欽省輕
 搖短蓋風猶警。芳晉冷壓低檐雪不知。虎仁浙瀝碾冰行倍穩。哲文朦朧衝霧去應遲。初差肩未厭閒朋共。明長擁
 鼻終憐冗僕隨。熊錫伴我鳧爐供小坐。欽省嗤他塵柄助先馳。芳晉如騎馬續殘宵夢。虎仁勝跨驢尋卽景詩。哲文底
 羨地衣温可藉。初偏疑蠻帳遠堪移。明長相逢大道愁頻下。熊錫偶對晴山快一披。欽省障幔休嫌新歸狀。芳晉安

輪畧比隱君儀。文出門莫便思搥壁。初倒載歸來薄醉時。仁

冰牀聯句

小樣胡床斲木成。嚴長冰天利涉趁新晴。曹仁乍辭九陌街埃過。臨錫忽訝重湖放溜行。吳書危坐幾人分上下。程晉漫遊聊爾任縱橫。趙文扳腰試引單繩直。沈跛脚剛支複板平。長如勒如輪牽更疾。仁不篙不楫運偏輕。熊錫踞茵便擬馳千里。欽移履翻虞化一泓。晉滑澆疑乘奔澗馬。文逍遙勝跨涌川鯨。初早霜插口沿洄影。明初日溪坳轆轤聲。虎壺裏居然光四照。熊錫鏡中宛在迹雙清。欽拳沙冷鷺窺仍避。晉負凍潛魚聽未驚。文深淺何須浮水技。初往來別有御風程。明後時險薄公無渡。仁先路凌兢我不爭。錫問濟定看軒輊少。欽臨淵還賴挽推并。晉非槎亦許登銀界。文是躡真應到玉京。初欹枕吾廬縈舊夢。長卸帆彼岸觸遙情。熊錫南歸笑指空明境。欽那待春波隔夜生。虎

十二月十日集楷素軒觀盆中芍藥聯句

老屋冬林外。吳書衝寒駐曉驂。管辰才臘入。曹仁花信條春三。淖約姿新獲。嚴長將離字舊諳。翠根移市北。臨錫紅影占牕南。薄日籠虛牖。趙文沈煙護小龕。簾深波不卷。程晉壺淺凍猶涵。滑几光浮鑑。欽圓瓷色奪嵐。來遲何掩冉。虎放早太差參。體弱風難舉。長苞輕雪易含。近人沾宿粉。熊錫隔座觸清醅。似帶腰還鎖。文如杯尾乍婪。冰華承灑灑。晉石髮亞鬢鬢。禁冷欺梅瘦。欽凝暄倚杏慙。尊前宜一酌。仁鏡裏好雙簪。條谷懷仙種。明長豐臺紀客談。地偏村叟據。熊錫術巧圃師耽。瀾池騰連馬。文温暾室閉竈。密遮糊白繭。晉軟

攔截青篋。伏坎泥重裹。省乘離火半粘。霜稜嚴暫避。仁露英嫩先函。百沸湯頭緊。長三和土脈甘。喚來魂
 竟返。錫扶起睡初酣。翹朵排宮紫。文傾跌褪寒藍。依稀聞篤耨。晉頃刻見優曇。製合騶簫並。省功分羯鼓
 堪。價高輸甲族。仁遞急走丁男。嘉賞遲瑤砌。長珍貽遍綵籃。力翻愁地棄。錫工直訝天貪。是物希方貴。文
 他時殿未慙。乘間逢禊節。晉終擬郭西探。省

祀竈聯句

五祀血祭同。曹仁資養實惟竈。制從燧皇分。趙文功向黎正報。設主必於陘。吳省迎尸先自奧。夏爛肺供
 骨。沈初冬獵脂備膏。古經滄訓疏。嚴長俚俗雜媚禱。居然嚴君尊。陸錫詎爾老婦耄。儀形參稗官。程晉姓氏
 混真誥。圖箋夾兩騶。仁穴壁奠四塊。挖挖腰垂紳。文肅肅手執瑱。端居帝若思。省仰視民不佻。臧慝悉降
 陶。初短長皆升皓。昭茲常設監。長相在罔遺憶。交年盡室忙。錫餞臘連衢課。懸門朝換符。晉警巷夜鳴鑿。
 冰峩峩結稜。仁雪皦皦鋪縞。霧淞寒白霏。文噉光暖宜曝。胎花活火烘。省禿樹高風颭。時維三九占。初日
 以廿四告北戶。呀短扉。長東廚拄橫相。障塵簾雙叉。錫墜墨帚一掃。陶爐香乍縈。晉鐵檠燄初熇。膠牙堆
 花錫。仁暈臉酌桂醕。盛盂湯泛瓷。文出飯飯烝秬。棗梨榛栗羞。省蒹藻藉蘩萁。嘉妃既配歆。初密從亦分
 犒。馬行細投芻。長車設輕縛橐。抖擻振袞衣。錫偃僂俯圓帽。駿奔競輝胞。晉雅拜臚孺替。抱悃彈潔獨。仁
 噉詞恕干冒。維神亶厥聽。文于我允茲保。泰元始判儀。省司命早錫號。凡趨吉避凶。初如去濕就燥。醉醒
 與世移。長冷熱從吾好。京國徒久淹。錫邱園謝高蹈。踞觚談孰聽。晉辭突走安造。孤坐思向狂。仁燭炊緬

梁操。盡管百甕酸。文粟奉一囊糈。友讎乏脛修。文兒餐希鮮蕘。烹雉傷辰屨。初產脛訝釜整。杵舂麤婢嘔。
明。檐汲鏹童懊。模糊石炭爨。熊拉雜灰薪皎。向燎穿肘跟。芳噓煙眩頭腦。臆影昏宿羶。仁屋痕驗前涼。寒
暑隨嬾遷。文角張閱顛倒。有舉期莫愆。文無靈負所勞。將母或煬蔽。初遂不余咻噢。姑置往弗追。明式憑
後斯靠。匪求獵豪華。熊第取潤枯槁。百福徠順祇。芳五窮送虛魁。勿感陰陽淫。仁勿造大小耗。勿使雞蟲
爭。文勿俾雀鼠盜。醢醢勿汚蠅。文蔬蔬勿傷蛙。整狸勿翻羹。初幕燕勿啄庖。當籬犬勿狺。明伏櫪駒勿駭。
提壺奴勿嗽。熊胠篋客勿暴。勿庸目者憐。芳勿褊心者媚。如願果受釐。仁矢誠更申誥。珍羅丹雉膏。文傳
割黃羊膍。陳乞滋益恭。文請祈非長傲。焚紙舌空疲。初塗糟目已眊。迢遙九關開。明婉孌六女導。烈炬騰
卓幡。熊迴颺捲朱纛。叩陛足起起。芳捧章語謗譚。渾渾忘咎譽。仁悠悠泯欣悼。試問聖何來。文且請鄰母
躁。數典任荒唐。文追權轉兀昇。得仙理則懶。初致富術豈惜。兆同鏡聽諧。明徵比箕辭諛。祠竟人罷喧。熊
夢闌鵲聞噪。上元重相迎。芳準勅利市到。仁

閨花朝小集聯句

新雨迎寒食。文街塵曉乍消。明重來尋酒社。芳兩度得花朝。陸院靜雙鳩喚。曹簾虛一燕招。
初泥痕融藥甲。文煙色潤蘭若。文草草流光駐。明遲遲閉氣調。芳旬初期未準。文月二日為花朝。錫
月半候仍遙。文此日鄉風舊。文今年節物饒。文葉增桐暗覺。文芽熟菜頻挑。
明。直卯芳時又。芳生辰故事聊。熊何神司長養。仁有客惜漂搖。初多謝寒輕勒。文相逢信久要。文閒情風

共祝明長小影月同邀芳晉。臘綵看猶結熊錫。深盃試更澆虎仁。聽餘鶯管滑初。撲後蜨衣嬌哲文。響認金鈴護飲。陰
 添錦繡標明長。勾留禁細藥芳晉。漏洩倩長條熊錫。緩緩穿林屐虎仁。惜惜出巷簫初。側行披密逕哲文。圓坐敵疎寮飲。
 亦偶飲。消息理偏超明長。歲律空延佇芳晉。家園漫閨寥熊錫。天涯萋綠草虎仁。昔昔夢吳船初。

杏酪聯句

傳蟻中廚徧芳程。言嘗節物新飲吳。看花遲暖信虎曹。煮木試芳仁哲趙。饌法徵時品初沈。羹材數土珍錫陸。
 熊八丹名最遠飲省。五沃氣偏淳芳晉。紀今隨榆柳哲文。藏羞配栗榛虎仁。核留從所嗜熊錫。膚盡取其陳初。倒籠呈
 微穎芳晉。浮甌起細斂飲省。辨分初坼甲虎仁。皮褪半含辛哲文。囊囊鳴茶臼初。淋淋瀝葛巾熊錫。淨融銀作液飲。輕
 碾玉成塵芳晉。細訝淘沙並哲文。澄憐易水頻虎仁。祛埃先漑釜熊錫。候火緩炊薪初。糜雪三分和芳晉。飴霜一色勻飲。
 省調同丹計轉虎仁。酌比酒論巡哲文。沆瀣盈盃湛初。醍醐滿杓醇熊錫。滑愁難染指飲。甘愛恰當唇芳晉。下歧誠
 何假哲文。凝酥認未真虎仁。餘芬清可挹熊錫。回味淡堪親初。操匕誇吳客芳晉。盛孟憶晉臣飲。冷煙剛逼社虎仁。勝
 日待招鄰哲文。賦鼎差祛俗初。蔬筵詎笑貧熊錫。粥香桃泛露飲。漿冽蔗生津芳晉。小榼追游地哲文。單衫殢醉人虎仁。
 仁東風近寒食熊錫。取次約澆春初。

集程魚門拜書亭觀藏墨聯句

葛囊乍啓霏古馨初沈。龍賓十二呈瓊形芳程。磊磊落落偶復零飲吳。簾波四蕩煙華青虎曹。五色徘徊光

不暝。明嚴長摩抄瑩質玉脫研。趙文元氣上薄迴秋窈。熊錫笏圭九鋌隨所型。初圓者重鉞方者頂。芳偃旁

刻上鈞參停。欽諸品歷球徵圖經。仁元珠赤手探窮溟。明作鱗之而飛九纜。文佛現太白毫熒熒。熊錫咄哉

方寸隱岳靈。墨中赤水珠。九子。白毫光。初雲云雷回杏兮冥。芳有山上時淵下渟。欽省有木翹幹草苗葶。仁

或獸蹠足禽梳翎。長攢樓架開何岩亭。文刻畫衣杖來媯姪。熊錫模范一一超哇町。初識凹款凸審厥銘。芳

紀年月日書甲丁。欽省斷珪碎璧鏗玎玎。仁粟紋斑剝餘晨星。明半螺猶直千際胸。文吳去羅。小方。香。程。君

譜夙訂。熊錫門妍角祕尹與邢。初維桑卜築黟南垌。芳天都三十六翠屏。欽省蒼虬千春孕茯苓。仁肪肥液滿

招戕刑。明絕繩入陰追駭挺。文登登柯斧傳崆嶒。熊錫斯之束之擔且拾。初板扉燈閃瓦竈陞。芳一絲鼻碧

煙無燼。欽省輕煤罪罪著甕瓶。仁尖風不到文憲樞。明角麋之膠漉去腥。文和以谷水寒清冷。熊錫搗霜萬杵

連巷聽。初明犀暗麝惟使令。芳江南墨官徒耳聆。欽省父子秘授煩丁寧。仁我用我法心自惺。明長穗包錦襲

馳車舲。文多君保此從鯉庭。熊錫知白守黑區涓涇。初道在用晦非癡詭。芳即令月給分槐廳。欽省日就研比

依乾瑩。仁客卿封號辭拘囹。明古懽靜對鍵雙局。文磨人任爾閱歲齡。熊錫

編主五雲王

編初成集書叢

種一他其及錄酬唱屋林

中華民國二十五年十二月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

*D七〇二九

徐

益

二



3
4
1794